

12/22/2011 11:11 AM

V

محرری :

عقلمانه سنائی

ناشری :

تجارزادہ

ابراهيم ماضي


يومي معلومات غزوة سيبله تفرقه اولندقدن صكره معارف نظارت
حمله سنك ٦٧٠ نومرولى رخصتنامه سيبله طبع اولمشدر

استانبول

(آ. آ. آصا دوریان) شرکت مرتبہ مطبعہ سی — باب عالی جادہ سندھ

نومبر ۵۲

1618



نهرس :

بيان معذرت

برنجی فصل :

صحیفہ

تاریخ حرب فصل یازیلور؟

۱

ایک:جی فصل :

عثمانی یونان اردولری

۳۴

اردوی هایون ضابطلرینک منشائی

۴۹

یونان اردوسی

۵۶

یونان ضابطلرینک منشائی

۶۱

اوچنجی فصل :

حربك اسباب ظهوری

۶۴

دردنجی فصل :

دارالحرب

۷۵

بشنجی فصل :

دارالحرب اوزرینه مطالعه

۸۷

آلتنجی فصل :

سفر برلك زمانی

۱۰۵

یدنجی فصل :

سفر پلائی ۱۱۳

سکزنجی فصل :

سفر برلک حرکائی اوزرینه مطالعہ ۱۲۴

یانہ قول اردوی ہایونی ۱۲۸

آلاصونہ اردوی ہایونی ۱۲۹

یانہ دارالحرکائی ۱۳۱

آلاصونہ دارالحرکائی ۱۳۲

یونان قوۂ عسکر یہ سنک ۳۰۱ دہ کی تجمع واقسامی ۱۴۶

طقوزنجی فصل :

سوق الجیش تجمعنہ دائر ملاحظات ۱۴۸

اوننجی فصل :

عثمانی و یونان شمندوفرلری ۱۶۲

یونان شمندوفرلری ۱۸۰

اون برنجی فصل :

اعلان حربدن اول یونان تجاوی ۱۹۵

کوپریوزده یونانیلرک ایلک تجاویلری ۱۹۸

اعلان حرب ۲۲۱



بیان معذرت

دومکه میدان محاربه سی، عثمانی - یونان سفیرینک اک صوک وال قانلی برپده سنی تشکیل ایدر. شمال اردوسی، اون بش، اون آلتی گوناک برموله دن صکره، تکه صرتلرینی وچتالجه اووه سنی ترک ایله جنوب استقامتنده یورویش یامغه باشلادینی زمان حصوله کلان منظره بی کورمش اولسیدیکز بییلوردیکز! برزمانلر، بالقان سلسله سنک اک مهلک برکیدندن بربرینک کوکسنه سونکی وقصا طوره صاپایان ایکی معند قوتک پرله دوکش اولدینی اولو و یاره لیلر بلکه شو منظره قدر دهشتلی دکلدی!!

کرچک؛ شبقه یوزازینک اک یوکسک برته سنه عثمانی سخاغنی دیکن بر آوج کوکلی ایله آتنه علیهنه یوریان مظفر بر اردونک حرکتی بیننده ایجه فرقر اولسه کرکدر. بو قهرمان اردو، بکرمی شو قدر عصر اول ملونا وراپاشانی دن کچهرک ولسنن بایرلرینه ویکشهر اووه سنه طوغری یوریان ایکی اسکی اردونک رفیق مظفریاتی اولدقندن بشقه فارسال موقعنده ژول سزار اردوسیله ده برلشمش اولیوردی.

«یونان اردوسی عسکرلری!»

«دشمن بزه نسبتله پک قوتلی و فارسال موضعی بورایه نظراً بالعکس پک قوتسز اولقی حسیله اردو، چاروناچار دویمکینه چکلدی. لکن شمدی بواندیفکز موضعلر اودرجه قوتلیدر، که اردومزک بوراده مغلوب اولسی خاطر و خیاله کله جک شیلردن دکلدی.»

«یالکز دشمن هجوملرینی کیرویه پوسکورتیه جککزه دکل، مقابل هجوملرله آتی بسبتون رجعت ایتدیره رک مملکتتمیزی دشمن استیلا سندن قورتارمش بولنه جفکزه ده قطعاً امینم؛ سزه بودرجه اعتماد واردر.»
«دوشونکر، که سز بوراده مقدس وطنکزی مدافعه ایدیورسکز؛ قرال و ملتکزک شان و حیثیتی حمایه ما، اورسکز. بونک ایچون، دشمنی بر خطر ده ایلری بوروتامکه غیرت ایتلیسکز.»

«بنده بیلورم، که اوقدر کونلر محاربه ایتدکدن صکره، ینه برچوق صیقندیلر و احتیاجلر ایچنده وقت کچوردیکز؛ بر خیلی زحمتلر چکدیکر. لکن وطنکزک شرف و ناموسنی دوشونه رک، بوندن صکره ده، اوزجت

ب

و مشقتلره کمال صبر و سکون ایله تحمل ایتک بزم ایچون بورجدر.»
سوزلریله، دومکه یا یلاسنده بوزلمش براردویه روح ویرمک ایستیان
پرنس قسطنطنین، ژول سزار اردوسنک قانلی مظفریتلری اوکنده
نه یایه جغنی شاشیرمس اولان پومپه نیک یکر می عصر صکره تجدد ایتش
ایکنجی بر مثالی ارائه ایدیوردی.

اشته یوقاریدن آشاغی یه اینان شو عثمانلی اردوسنک وضعیت موقعیه سی
اسکی زمانلرک فلیب، اسکندر و قیصر اردولریله مشترک بولنیوردی.
شو آللی بیاضلی سنجاقلرک وظیفه سی ایسه، اوتریش طاغلرینه النجا
ایتمش اولان اون طقوزنجی عصرک کنج پومپه سی آتنه سرایلرینه قدر
کوتورمک و دومکه قلعه سیله فورقه و ترمویل یکیدلرینی بر طاق ظفر
ایله تزیین ایلمکدر.

دقت ایدیلمورسه، برآیدن برو تسالیا دارالحربنده جریان ایدن حرب
اویوننک اگمدهش واکمفاق پرده سی، بوسوبلدیکمز وظیفه تشکیل
ایلدیکی آکلاشیلور.

ذاتاً متین اولان بر موضعه فن و صنعت نامنه بر متانت ثانیه ده
علاوه ایدیلمجه، واسع و دوز بر اووه نیک یشیل ترلارینی چیکینه رک
خصمیله کوروشمک ایچون اورالر ه صوقلمق ایستیان بر اردونک شو
حرکتی کرچک، پک قهرمانجه بر یکیدیشدر!

سن نیقوله تپه سنک دیک و سرت یماجلرینه طیرمانق، عسکرلرجه
بالا ترین بررتبه جلادت صاییلور. لکن دوز بر اووه نیک جنوب کنارینه
حادثا بر سد حائل کبی اوزانمش اولان بیوک بر سلسله نیک اتکلیرینه
چیقمق، دومکه قرارگاهنی عثمانلی قرارگاهنه تحویل ایلمک آندن زیاده
بر قهرمانلق صابیلزمی؟ چونکه بوراده خصمک طوبی تفنکی قارشوسنده
وکوز کوره پک صرپ و دیک یماجلردن یوکسکره طوغری چیقمق
لازم کلایوردی. بو بر جیقیشدر، که آتک شرف و علوتی، جدأ عسکر
اولانلر ایله اساساً عسکر اوغلی عسکر طانمش بولنان بر ملت افرادی
بیننده مسلندر.

مصادمه دن بر کیجه اول اردوگاهنی ترک ایله دشمنک صاغ جناحنه

ج

دوشمك ايجون بر قاج ساعت كچه يورويشي ياپان برفرقه نك پك صرپ
 واديلر ودرملر بويجه ، كچي يولاريني تمقيباً ، ايلري كيديشي دنيساده
 ذوق وصفاسنه طويلمز بر حيات، بر منظره تشكيل ايتيورمي؟ وقتيله
 اسكندر وژول سزارلك يوريمش اولدقلري يرلردن، كال سكون وسطوت
 ايله ايلروليان بوكنج ودينج آدمرك هر بريسي بر تمثال جلادت ،
 بر قهرمان حيت دكليدر ؟

كچه يورويشلى، ايرتسى كون على الصباح باشلايان كوندوز يورويشلى، حال
 سابقلرنده ترك ايديلان اردوكاه آتشلى جاصلى بتون شودومكه ميدان
 محاربه سنى وجوده كتوره جك افعال وحركات صره سيله بر رنابلو تشكيل
 ايدرلر، كه بونلك هيبي تعريف ايدلميه جك درجه ده سوعلى وشاعرانه در.
 بر برينه موازى اولان يورويش وهجوم قوللري، دومكه بايلاسنى
 اشغال ايدن جنوب اردوسنه كيم بيلور؛ نه قدر دهشت وبريورلردى!
 بعضاً يوقايدن آشاغيه عطف ايديلان نظرلر، مقامك يوكسكليله
 برابر، ينه ايله ظن اولنديغى نسبتده متين ومقتدر اوله مازلر. حال بو، كه
 متين وثابت بر نظر، زمان ايله مكان تأثيردن اكثرا مصون قاله رق
 اجراى حكم ونفوذ ايلر. بونك ايجون سزكده امين اولمكلى ايسترم، كه
 اوتريش طاغلرينك شمال اتكلرينه يرلشان ودومكه نقطه سنى مركز
 مقاومت عد ايليان جنوب اردوسنك، شمال يقينلرينه طوغرى عطف
 ايلديكي نظرلر هپ اوقبيلدن يعنى مشكوك وقرارسز نظرلردن عبارت ايدى.
 قوه معنويه سندن اثر قالماش، وسائط حربه سنى ايجيه آزالمش
 اولان بر اردويه ، سحر بازلى وبا تأثير نطق وبلاغت ايله جسارت
 وبرمك، دومكه قلعه سنه ركز ايدلمش بر هيكل مغلوبيتدن اثر حيات بكلمك
 قدر معناسز ويولسز در!

واقعا بيوك بر جنرال، قطعى بر هزيمت كورمامش اولان يونان
 اردوسنك قوه معنويه سنى اعاده ايده جك شرائط ايجاد ايده بيلوردى .
 لكن بتون عسكرلكنك اساسى اولميا و اوتريش سلسله لرنده كي آبولونلره،
 موزه حكايه لرينه مستند اولان جاهل بر پرنس، نه قدر فصيح ولطيف

سوزلر سويلرسه سويلسون، ينه اردونك حركات اخيره سنجيه بر حسن تاثير كوسترمكدن عاجز در .

هېچ بر عقل و حكيمته كيرميان اسباب اوزرينه حدودمزي تجاوز ايدن بر جمعيت، پك منتظم اولسه بيله، جاهل و مغرور بر قوماندان آني ينه هېچ بر قاعده و اصوله استناد ايتكسزين ترمويل پكيدينه قدر آلور، كوتورور. اسباب غير محقه اوزرينه تأسيس ايدلان دعوالر، اكثريا نتيجه سز قالور. كرچه، ماهر بر قوماندان، امين بر پولتيقه يالان ياكاش دعوالر ايجونده بعضاً كوزل نتيجهلر قازانه بيلور. لكن اصل كوچلك بويله زردعرا قورقمده دكل، بالعكس آني باشه چيقاران كوزل بر آووقات بولمده در .

دومكه يايلاسي، بزم عليهمزه روا كوريان فكري تعصبك پارچه اولديغي بر يردر. سفر ك بالخاصه شودوري، اك چوق تدقيقه شايان اولديغيون اثنای حربده دها «دومكه ميدان محاربه سي» ناميله اوافاق بر اثر يازمغه قرار وېرمشدم . مظفر بر اردونك حركات عسكريه سنه فعلاً و سيقاً اشتراك ايتش اولق بجه نه بيوك بختيارلوق ايسه، قلماً و فكرأ آنك موفقياتي اوزرينه بر ايكي سوز سوزلك ينه اودره جه بيوك بر شرف و سعادته در .

ايك دفعه حربه كيتش اولان بر ضابطك مشاهداتي، پك قوتلي اولسه بيله بعض بيلاجي كوزلك تدقيق و مناقشه سي كي ده ضعيف و ياكاش اولمز، صابورم. بر شي حقنده مبالغه ايتك، طوغري اولان بر مسئله يي ياكاش و بالعكس ياكاش اولاني طوغري كوسترمك، ناموس و وجدان صاحبي اولان لك كاري دكلدر. مع هذا، انسان طابيله . آنوس اولديغيون سهواً اوافاق تفك نقصاندرده بولنه بيلور. لكن سهواً ياييلان قصورلر ايله قصداً و بالالزام ياييلان قصورلر يئننده بيوك برفرق اولديغي ده اونون تاملي يز .

مثلا بن هېچ وظيفهم دكل ايكن، علم تشرېح و يافن طيك هر هانكي بر شعبه سي اوزرينه اثر ترتيبنه قالفيشورسم ميدانه كه هك مصل مجموعه سي، يوزده طقسان وېلكه طقسان طقوز حسابيله ياكاش اولق

طبیعی‌درو. بو یا کشلری بالالتزام یا پامش اولسه بیه او اثری قصداً یازمش اولدیغیم ایچون، مذکور نقصانلرک دخی بالالتزام یا پامش اولماری لازم کاور. بونک اوزرینه قرشودن وظیفه شناس بر حکیم چیقوبده بئم شو جرأتم، منسوب اولدیغی فن و صنعت علمینه بر تجاوز اولدیغی سویلرسه، بردن کوکه قدر حق وار؛ وبونی سزده تسلیم ایدرسکزه، بنده تسلیم ایدرم. هرکسک صنعت و مسلکی طامش اولان بر دورده بولنیورزه؛ بناءً علیه، اوته کینک بریکنک صنعتنه حقارت ایدنله مسلکسر یشایان محله چوققلری نظریله باقغه مجبورزه.

یازدیغیم اثره «دومکه میدان محاربه سی» دیدم. احتمال شو یولده کی تخصیص بعض هرشیء کوچ بکنانلرجه اعتراضه اوغرامش اوله جقدر؛ وارسون اوغراسون! بن ذاتاً آنی مشکلسندلر ایچون یازدمم. بالعکس حقیقت پرست اولان ههشم یلرم ایچون یازدم.

بو اثری تألیف ایچون ایلک یازدیغیم پروگرام، بسبتون بشقه برشکلده ایدی. فقط، صکره دن بعض ملاحظه لر اوزرینه آنی دکیشدنر مکه ور ایکنجیسی پانغه مجبور اولدم. ایلک اوکجه سفرک یالکن اوچنجی دورخی تعقیب ایتک استیوردم. واو یولده کی نوطه و قروکیلری دهه بورایه کلزدن اول حاضر اتمش ایدم. استانبوله کلدیم؛ باقدم، که هرکس عسکر کسامش برر تاریخ یازیور؛ بر چوقده اجنبی اثرلی لسانمه نقل و ترجمه ایدیلیور. اردومزله برلکده بولنان اجنبی قلملردن چیقان بو اثرلرک بسبتون دکاسه ده قسم اعظمی یا ککش اولدیغنه و یا یا ککش ترجمه ایدلمش بولندیغنه بحث ایدرم. سزده کورمیسورمیسکزه، که بونلرک اک کوزل فصللرخی کوزل پیشمش پیلاور واکسکی شرابلر تشکیل ایدیور؛ بو آنه قدر کوزدن کچورمش اولدیغیم اثرلر اینجمنده عسکرجه یازلمش هیچ بر اثره تصادف ایتدم. هله بونلرک بعضیلری عسکرلکه اوقدر یانجیدر، که انسان آنلری اوقردنجه هم کوله جکی همده آغلایه جنی کاور!

نافله بره صرف ایدیله جک زمانمز یوقدر؛ اگر بویه بر وقتمز اولسه ایدی، بو کتا بلر اوزرینه کوزل بر مؤاخذه ترتیب ایدردک. واو زمان سزده آنلری اوقومق ایچون صرف ایتمش اولدیغنر امکره آجیدیکزه.

فقط وواخذہ ترتیب ایتمکہ دہ حاجت یوق . سزہ بالکمز شونی سویامک ،
او اثرلر حقندہ کوزل بر فکر ایدمک ایچون پک اعلاکفایت ایلر .
باقکمز اوکوزلم اثرلردن بریسی نہ دیور: «قرارکاه عمومبسی آلاصوبنہ دہ
تشکل ایدن عثمانلی اردوسنک باش قوماندانی، ارکان حربیہ عمومیه
رئیس مشیر ادهم باشادر .»

شمدی اردومزک باش قوماندانی کیم اولدیغنی یلمیان شو اثرلرک اوتہ کی
بالرندہ کی ایضاحات وکالاتی سز تقدیر ایدیکز . . .

یرلی اثرلرمز کلنجہ، آنلر عسکر اولمیانلرہ خوشجہ بروقت کچورمک
ایچون ایجہ کوزل فصللری شامل اولسه لر کرک . . . بن بو اثرلرک
حق بر سطرلرینی بیله او قومدم؛ و او قومیه جنم . بناء علیہ، آنلر ایچون
بشقہ یولده مطالعہ بیان ایتمکہ حقم یوقدر .

فن حرب ایلہ اهل صنعتی کرچکدن اوکرتمکی کندیسنه مقصداصلی
ایدنمش اولان بر عسکرہ بو یولده یازیلان اثراری او قومقدن ایسه ،
آنیبالک ایتالیا سفرینی وحق ایرانلیلرک یونان سفرینی او قومق دها ابو
اولدیغنی توصیه ایدرم . چونکہ عثمانلی — یونان سفری نامنہ ترجمہ
ایدیلان اثرلردہ قواعد واصطلاحات عسکریہ نک پک فنا بریولده تخریب
ایدلمکدہ بولندیغنی کمال حزن ایلہ مشاہدہ ایدیوروز . . . انصاف اولنسون!
برچوق زمان و بر چوق تجربہ لرایلہ میدانہ کتورلمش اولان اصطلاحات
فنیہ مزى برباد ایدن شو تعرضلر بزی دلخون ایدیور! ؟ براردونک
وضعیت عمومیه سی اوزینہ سوز سویلک قولای و تہلکہ سز دکدر .

بر حرب انسانندہ ظہور ایدن عکس صدالک، بورالہ کلنجہ یہ قدر
نیجہ نحوالاتہ اوغرا دیغنی بیلش اولسه ایدیکز، حرب دنیلان فہل جبری
اوزرینہ تأسیس محاکمہ ایدہ جککمز وقت، پک احتیاطلی طاورانش
اولوردیکمز . بو جہتلی لایقہ یلمیان ویا بیلورکن بیلک استیمیانلر
حقیقۃً اک متین کوکلری داغدار حزن و الم ایدہ جک یولده ایراد مقال
ایدرلر .

وجدان، انسان ایچون اک بیوک بر محکمۂ عدالت و عرفاندر . بناء
علیہ، اصحاب و حرکات عسکریہ ایچندہ کوتوسنی ایوسنہ ترجیح ایدہ جک

درجه ده کولوکی سونلر، بشقه لرندن اوتانسه لر بيله وجدانلرندن اولسون اوتانورلر، صانورز. لکن بونک ايچون ده قيداول و شرط اعظم وجداندر. بو يولده بعض مطالعه لر بڤاء، اثر عاجزانه مك ايلك پروغرامني دكيشدير مكه مجبور اولدم. ايكنجی پروغرام، كرك اصول بيان وكرك وسعت وحجم جهتيله اثری باشقه ر شكله قويدی. دمینده سويلمش ايدم، كه بن شو اثری اك چوق عسكرو اولميان آرقداشلم ايچون يازدم. وبوندن طولايي ارك طرز افاده سي پك زياده فني اولمقدن ايسه، بر آز دها شاعرانه اولمق جهتي بزجه مناسب كورلدى.

كرك بوراده وكرك حربه كيدر، كلوركن برچوق سيويل آرقداشلم حرب اوزرينه قونشدقلى صره ده، بوكله نك پك يانچيسي اولدقلىني آكلایوردم. هم بو آرقداشلمك اكثريسي، مكاتب عاليه دن ديپلوما ايله يتشمش، آچيق ذهني آدملر ايدى.

بونلردن بريسي، طويچيمزى اوكرنمكه مراق ايتش؛ بكاديمش ايدى، كه: «عزيم عثمان ثنابي، بزم تكميل طويلرمنك عددی سكر، طقوز بيك قدر وارميدر؟»

ديپلومالي آرقداشمك شو سؤالي بني دوچار حيرت ايلدى. مناسترده بولنديغم ائشاده، اولدقجه ياشلى وباشلى بر آدم ده بني شويله بر سؤاله مخاطب ايدمش ايدى:

«اوغلم ثنابي، اويله ظن ايدرم، كه درت مليون قدر پياده عسكرى چيقاره بيلورز، سز نه دير سكر؟»

بو ايكي سؤاله قارشو نه ديشور، كه ديه لم!!.. بونلردن برنجيسي، كنج فقط هك ذكي وعرفان صاحبي بر مکتبلى صور يوردى؛ ايكنجيسي ينه بوملكت ايچنده صاحبي، صقالني آغزتمش تجربه لي بر آدم سويليوردى!!.. اساساً عسكرو طوغمش اولان برملت افرادينك بعضيلرني عسكرك صنعتنه بو درجه پيانچي كورمك كيمز آنلره عسكرك، اردو، حرب وضرب نه ديمك اولديغني آكلاتمق ايچون بزم شو كتابي يازمقه واسطه مستقوله اولدى.

بناءً عليه، هر ايكي طرفك اردو تنسيقانسه عائد اولان فصللرمن

ح
عسكرلر ايجون بر آز اوزونجه يازلمش كچي عد اولنسه لرده مملكتمزك
تشكيلات عسكريه سنه هچده وقوف اوليان سلاحسز آرقداشلمز ايجون
مفصل عد اولتميه جقلدرد؛ صانورز.

اثرمد كور، سفرك بتون دورلري - قنده معلومات واسه بي جامه اوله جقدر
اوچنجي دورا كثر يا كوزايله كورلمش وقوعانه، ديكرلري بالعكس رأي العين. شا.
هده ايدلماش وقوعانه شاملدر؛ لكن شومطالعه اوزرينه صاقين، سفرك ايكي
اولكي دوريني از بردن يازمش اولديغمز - حكم ايتيكز. بالعكس، آنلري يته
مشاهدات ذاتيم درجه سنده قوتلي اولان، اك سوكيلى اركان حرييه
آرقداشلمك مشاهداتي اوزرينه ترتيب ايلدم.


هر حالده بو اثر سزه، سفرك حرركات عموميه سنجه وبالخاصه آكا
تعلق ايدن وسائط فرعيه حقنده اولدجه كوزل معلومات ويره جقدر.
لكن سز آني - عثمانلي - يونان سفرينك تبه دن طرناغه قدر بتون وقوعاتي
كوستدر بيوك بر تاريخ حرب كچي تلق ايتيكز. بيلورسكز، كه اويله بر اثر
وجوده كتورمك بر كشينك وظيفه سي واققداري خارجنده دره. على الخصوص
بن عاجزم؛ اوقدر بيوك جرأتلره قيام ايده جك درجه ده جسرر دكم.

ذاتاً هنوز بيتمامش اولان بر سفر ك تاريخ حربي بترن نفع ايتله برابر
شمديدن يازمق ممكن اوله مز. چونكه اويله بر تاريخ يازمق ايجون هرايكي
طرفك حربدن اول، حربدن صكره وحرب ائناسنده كي حرركات عموميه سنه
قطعياً واقف اولمق لازمدر. يوقسه اكر يالكر كندى طرفك سوق
الجيش وتعبيه ترتيباتي كوسترمك اوزره يازه جغمز اثره مكمل بر تاريخ
حرب نامنى ويررسه ك يك عيب ايتمش اولورز.

بزه بوندن طولايي عثمانلي يونان سفرى اوزرينه ترتيب ايامش اولديغمز
اثره «تاريخ حرب» اسمنى ويرمكدن چكينور وياكه حيا ايدرزا؛ بالعكس
بوكتابك اسمى «دومكه ميدان محاربه سي» ولىقدها كوزل ودها شاعرانه درا

عثمان ثنائي





برنجی فصل

تاریخ حرب فصل یازدهم؟

— ۳۴۵ —

وقوعات عسکریه آنچه بر زماندن برو غزته جیلر مزی اشغال
ایدیور . حدود بوینده ایلک تفک سسی ایشیدلمه دن اول بیله
هرایکی طرفک سوق الجیش حرکاتی یالکز بزه دکل بتون جهان
مطبوعانه اک سرمایه لی بر زمین وزمان تشکیل ایلیمشدی . لکن
حقیقت حالده ارباب مطبوعاتی حوادث عسکریه می اشغال
ایدیور؛ یوقسه بالعکس وقوعات حربیه نی ارباب مطبوعاتی سوء
استعمال ایدیور؛ ایشته حل اولنه حق مسئله بودر .

ظاهرده کوچک اولان شو مسئله حقیقتده بیوک هم ، بک
بیو کدر . آنک ایچون تحلیل مشکلات بحثنده رازدقتلی طاور اتملی یز .
اولا بتون عسکر اولمیانلره صورارم ، که بر اردو نه در؟ سوق-
الجیش ایله پولتیقه بیننده نه کبی مناسبترلر واردر؟ بر قوماندانک
کمانی ، موقعی ، دهشتنی فصل آکلایه بیلورسکر؟

براردویه عادی بر حیوان سوریسی ، بر قوماندانه اوسورینک
چوبانی ، سوق الجیش ایله پولتیقه مناسبترلرینه ایکی قیون ایله ایکی

قورد آره سنده وقوعه كلش منازعه لر نظریله باقارسه كز نافله
یورلیكز، سرك جوابلر كزی ديكلیه جك هیچ بر عسكره تصادف
ایده مزسكز .

اوروپا غزته لرینك بیوك بر قسمندن صرف نظر ایدیورم .
مطبوعاتك او بر قسملری وقوعات حربیه اوزرینه پك شاشیله جق
بریولده ایرادكلام ایدیورلردی . نه یالان سویلیهیم؛ بن او عسکرلنكه
بستون بیانجی اولان سوزلری او قوركن بالعكس كنندیمی عسکر-
لرك بیانجیسی ظن ایدردم . بونك ایله برابرینه آنلرك حالنه
آجیردم .

معلومدر، كه بر اردو، سلاح طاشیمق شرفی حائز اولان
بتون كننج واختیارلرك وطنلرینی مدافعه ویا دشمنلرینه تعرض
فكریله بر آریه كهلرندن حصول بولش بر انسان یغیدر .
اوت یغینلری بیله منتظم بر شكل داخلنده باغلانمزسه پك آز
وقت صكره چوریر، طاغیلور . حال بو، كه بز انسان جمعیتلرندن
بحث ایدیوروز . مباحثه مز چاودار دمتلری ویا بغدای بشاقلری
اوزرینه دكلدر! نه چاره؛ بعض بغدای باقیشلی انسانلر وار؛
بزی بووادیده سوزسویامكه مجبور ایدیورلر . آنلرك فكرلرینه
قالورسه بر اردونك برقبون سوریسندن اصلا فرقی اولیه جق!
یالان سویلامیورم . صمت نامنه عاشق اولان عسکرلری ديكلیكز .
آنلركسكین قلعجاری نه قدر سوپورلرسه سویلدكاری سوزلری ده
قلعجاری نسبتنده كسكین وقوتلی سویلرلر .

بر طیب، علم طبده هیچده بهره سی اولمیان بر شارلاتانک
رچته یازمسنه فصل حدت ایدرسه، بلنه قلیج یاقیشور بر عسکرده
حرکات جسیمه نی مسیره یورویشلرینه بکرده دنلره آندن زیاده
حدت ایدر؛ و متأثر اولور!

کرك سفر برك انناسنده و كرك اعلان حرب ايله آندن
صكره كلان دورلده غزته جيلرك آغز لرینی قیامق ایچون بر قانون
یوقدر؛ لکن آنلره کوزل شیلر سویلته جك یولار واردر.
بن دیمورم، که حرب زمانلری کی اڭ چوق حوادللی
وقتلرده غزته لر آغز لرینی قیاسونلرده سکوت ایتسونلر. خیر؛
سویلسونلر؛ فقط آدم عقللی سویلسونلر.

بر حربك مؤسس اولدینی تعرض ومدافعه پلانلری، دشمنه
داڑ اوکرنیله جك معلومات اوزرینه ترتیب ایدیلور. شمدی
بو حقیقت ظاهر ایکن خصمك بیک درلو وسائله مراجعت
ایله بزدن اوکرنه بیله جکی شیلری طوتوبده کندی آغز منزله
آکا تعریف ایتمکده نه فائده کوریلور؟ اشته بوراسنی هیچ
آکلایه میورم.

بر سواری بلوکنك موجودینی بیله میه جك درجه ده تشکیلات
عسکریه مزه طفره فروشانه ادعای وقوف ایدن غزته لر حدود
بوینده کی قوتلر مزك نه یولده تجمع ایتدکارینی دشمنه بیلدیر مکده
عادتاً یاریشه چیمش کی ایدیلر. یالکز فرقه لرك نه صورتله تجمع
ایتمش اولدقلرندن بحث ایتسه لر دی؛ بنه نه ایتسه ! لکن آنلر

فرقه لرك برر برر نومرولرینی، طابورلرك عددلرینی، حدوده و بربرینه اولان مسافه لرینی و قوماندانلرك اسملرینی بیله برر برر تعریف ایلمشلردی .

لكن غریبدر، كه دشمنك بزه قارشو نصل تجمع ایلدیكنی، قوماندانلری كیملر اولدیغنی حالا بیلمیورلردی . یعنی بزى دشمنه تعریف ایدرلردی؛ بالعكس آنی بزه تعریف ایده مزلردی . فقط بزه قدر اولسه كندمزى بیلور ایدك . بزم اصل اوكرنمك ایستدیكمز شی قومشومزك حال و حرکاتی ایدی .

ایلك آتش بورىسی اوزرینه حدود بوینی بردومان پرده سی قاپلامش ایدی . آزوقت صكره سونكى وقصاطوره لرمن بوقانلی پرده یی آرهدن قالدیردی . نظر مزه حائل اولان طومان یغینلری یواش یواش كوكره طوغری یوكسلیوردی . بوندن صكره اوكمز آچلدى . قانه بولانمش كوزلر، یورلمش چهره لر، اكرلمش قلیج و سونكیلر یكى شهر مناره لرینی، تسالیا اووه سنك یشیل ترلا- لرینی كوریور و كوستریورلردی ! میلو نه صرتلرینه اوموزلر اوستنده طوب چیقارمش اولان عثمانلی دایقانلیلرینك بو ایلك مظفریت خطوه لری، بزه قومشومزك حرکات اولیه سنی بیلدیرمكه یرادی .

خصمك نه کی حرکتلرده بولنه جغنی ؛ قوتی نصل تقسیم ایلدیكنی ، قوماندانلری كیملر اولدیغنی بیلمك و اوكرنمك بزم اچون نه قدر لزوملی بر شی ایسه، بو کی شیاری آندن کیزلی

تاریخ حرب نصل یازیلور

طوتمق ده ینه آنلرکی و بلسکه آنلردن زیاده لزوملی وفائده لیدر.
هله قارشوده کی قوماندانک مسلک حربی، اخلاقی بیلیمک
مسئله سی تعرض و مدافعه دن هر هانکی سینه کوره اولور سه اولسون،
باشلانیلان بر سفرك، بلسکه هر وقت کوزل نتیجه لره ایریشمسنه
واسطه اولور. [آلپ] سلسله لری اوزرندن سیل بلا کی روما
دیوارلرینه طوغری یوریان [قرطاج] اردوسی قوماندانی [انیال]
روما لژیونلرینی اداره ایدن قونسلاردن هر برینک برانتر یقه جی
پولیتقه مأموری اولدقلرینی اوکر نغمه مش اولسه ایدی؛ بر آووج
عسکر یله [تره بیا]، [طرا زین] و [قان] هجوملرینه هیچ قرار
ویره بیلور می ایدی؟

اوتوز بش بیک کشیلک کوچک فقط پک تربیه لی براردو
ایله آسییلمک فتحه هوس ایدن برکنج اسکندر، دارا ایله
معینده کی جنراللرک ایران اردوسی اوزرنده تشریفاتیلمک ایتکدن
بشقه براهیتلری اولدیغنی بیلامش اولسه ایدی؛ عجبا [ایسوس]
میدان محاربه سنده درت یوز بیک عسکره قارشو یکر می طقوز
بیک کیشی و [ار بیل] وقعه سنده آلتی یوز بیک ایرانلی یه قارشو
یالکر الی بیک ماکدونیلی و تراکیالی ایله تعرض ایده بیلور می ایدی؟
اوزاق دورلردن کتورمش اولدیغمز شو بر ایکی مثال،
تاریخک بزه الیقین اولان صحیفه لرنده دها چوق ودها مکرردر.
بو یولده ایچه اوزون شیرلر سویلمکک ذاتاً حاجت یوقدر. یالکر
بردفعه دها سویلرم، که دشمنی مستفید ایده جک تشبثات عسکر یه یی

اوله صره سیله وبربر میدان چیقارمق، حرب ایچون یاپلمش اولان بر سفر پلاتی کندی منزله دشمنه اوقوتمق دیمکدر .
آلمانلی جنرال [بلومه]، سوق الجیش حرکاتنک کیزلی طوتلمسندگی حکمت و منافعی سویلر کن شو یولده بیان افکارایدیور:
« بر سفرك جریانی اناسنده كرك دشمن طوپراغی و كرك اراضی ملیه اوزرنده وقوعه کلان بتون حرکات و تشبثات عسکریه دار غیر رسمی حوادث نشری قطعياً منع ایدلمش اولمیدر . »

« قطعات عسکریه نك وضع و تحشیدی، وسائط حربیه نك تشكیلی مواقع مهمه نك تحكیمی و بونلر کبی سائر بعض تدایرك اخذ و تطبیق از چوق بعید اولان احتمالله استناد ایلدیکی ایچون خصمك تشبثات مذکوردهن خبر آلمسی هر زمان تهلكلی و مضردر . »

« بو مطالعه بزجه معلوم اولنجه قرارگاه عمومیلرده غزته مخبرلری بولندرمق شایان قبول برشی اولمدینی هرکس طرفندن تسلیم اولنور . دارالحربلرده ظهور ایدن وقایعه دار ممکن اولدینی قدر حوادث و معلومات، ارکان حربیه هیئتلری طرفندن ملی غزته لره کوندرلک البته مرجحدر . »

« اجنبی غزته مخبرلرینه کلنجه کرچه ، بونلر اك زیاده بی طرف حکومتلرک آمال و افکارینی جلب ایتمک بهانه سیله قبول اولنورلر سده، اولناملری ده ایدور . »

«اردولرمزك موفقیتائی، حرکات عسکریه نك جریان عمومیسنه
 آز چوق ضرر ویرمكدن بشقه بلكه هیچ بر شینه یرامیان
 غزته مخبراتنه نظر آملل سائر افکارنده دها قوتلی جاذبه لر
 کوستره ییلور...»

سوزه باشلامدن اول، تاریخ حرب نصل یازیلور؛ دیمش
 ایدك. بيلم شو بیوك سؤاله كوچك بیوك هر نصل اولورسه
 اولسون بر جواب آلق ایچون هانكی طرفه مراجعت ایدلم؟
 اوت؛ اعلان حربدن اول و صكره، یعنی هرايكی دشمن
 بر برینه صوك قورشونلرینی آتوبده زیتون جوارنده آشاغیدن
 یوقاری یه طوغری كلان بیاض بر بایراغك تترك طالعهلری
 کورلمش اولدینی بر زمانه قدر اوراق حوادث، كرك ایشیدلماش
 بر حس رقابت ایله حرکات عسکریه اوزرینه ایستدکلی کبی
 ایراد کلام ایلمشلردی.

مثلا مطبوعات بر هفته اول یکیشهرك آلمش اولدینی بزه
 تبشیر ایلبوردی. حال، بوکه صكره دن آكلاشلدی، که عثمانلی
 عسکری آنجق بر هفته نهایتنده یکیشهر سوقاقلرنده کرمکه باشلا-
 مشلردی. واقعا، مژده جیلک ایتمکی هرکس سور؛ سور اما
 طوغری بر خبره مژده جیلک ایتلی. علی الخصوص بتون خلقلک
 کوزلری یکیشهر اووه سنه معطوف اولدینی بر زمانده، اون کون
 صكره پایله حق شیرلی بش کون اول یایلمش بیتمش کوسترمک
 افکار عمومیه نی منکنه ایله ازمک دیمک اولزمی؟

هیچ بر وقت اونوده میه جغم: بر آقشام بیوک بر مراق ایله
 یتاغمه کیرمش ایدم. اوغراشدم. اوغراشدم کوزمه او یقو کیرمدی.
 نهایت کوچ حال ایله صباحه چیقہ بیلدم. او کونکی اوراق
 حوادث طرنوه نك آلدیغنی ویکشهره کیرمک ایچون آرده
 اوفاجق بر تپدن بشقه هیچ بر حائل قالدیغنی اولدجه کوزل
 و سوییلى بر افاده ایله نه اعلا تبشیر ایدیورلردی! سويندم،
 سويندم او قدر، که عسکرلک ایچون یشایان کوکلرک بوندن بیوک
 بشقه هیچ بر سونجلی اولیه جغنه بستون اینانورکی اولدم. لکن نه
 یاهیم، که بر کون صکره او قود یغینه او اوراق مطبوعه بر کون اول قلمده
 حاصل ایتمش اولدیغنی سونجلی، سعادتلی، حاصلی بتون امل
 و آرزولری برر برر سوندرمکه باشلادی. چونکه غزتله
 نه طرنوه دن، نه ده ویکشهردن بحث ایدیورلردی. بالعکس
 بتون بتونه صوصیورلردی. صحیفه لرك هپسنه کوز کردیردم:
 نافله، بر کون اول کورمش اولدیغ کوزل افاده لری آرتق
 کوره میوردم. ایرتسی کون، دها ایرتسی کون ینه برشی یوق.
 عجله معلومات ویرمکی مسلك ایدینان غزتله، پک عجله سکوت
 ایتدیلر. کاشکی هیچ عجله ایتسه لردی؛ کاشکی بیلمدکاری
 شیرلی یازمسه لردی؛ نه کوزل اولوردی!

«هر کس کندى صنعتی بیلور» سوزی، بویله زمانلر
 ایچون اك چوق تطیق ایدیه جگ بر ضرب مثلد. کرچک؛
 آکر بر هیئت عسکرینه نك کندیلرینه ویره جکی معلوماته کوره